



Na osnovu člana 20a Zakona o radu Federacije Bosne i Hercegovine („Službene novine Federacije BiH“ br. 26/16, 89/18, 44/22 i 39/24 ), člana 3 a u vezi sa članovima 6 i 7 Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo br. 19/21,10/22, 28/23 i 32/24), člana 15 Pravilnika o radu Univerziteta u Sarajevu broj: 02-2-4-1/24 od 30. 1. 2024. godine i Odluke o izmjenama i dopunama Pravilnika o radu Univerziteta u Sarajevu broj 02-2-4/24 od 23. 7. 2024. godine, Odluke Vlade Kantona Sarajevo broj 02-04-39529-26/25 od 17. 7. 2025. godine, Univerzitet u Sarajevu-Pravni fakultet, raspisuje

## **JAVNI OGLAS** **za prijem radnika u radni odnos**

### **Podaci o poslodavcu:**

**Naziv: UNIVERZITET U SARAJEVU -PRAVNI FAKULTET**

**Sjedište: Obala Kulina bana 7, 71000 Sarajevo**

[www.pfsa.unsa.ba](http://www.pfsa.unsa.ba)

### **Nazivi radnih mjesta:**

- 1) Stručni saradnik za poslove javnih nabavki – 1 (jedan) izvršilac, puno radno vrijeme, na neodređeno vrijeme**
- 2) Viši referent - radnik obezbjeđenja – 1 (jedan) izvršilac, puno radno vrijeme, na neodređeno vrijeme**

### **1. STRUČNI SARADNIK ZA POSLOVE JAVNIH NABAVKI**

#### **Uslovi:**

Pored općih uslova propisanih Zakonom o radu („Službene novine FBiH“, broj: 26/16, 89/18, 44/22 i 39/24), kandidati trebaju ispunjavati i sljedeće posebne uslove:

- VŠS-VSS/ minimalno 180 ECTS bodova
- završen pravni fakultet
- radno iskustvo u trajanju od 1 (jedne) godine na istim ili sličnim poslovima
- znanje engleskog ili drugog stranog jezika
- poznavanje rada na računaru

#### **Opis poslova:**

- prati i primjenjuje propise iz oblasti javnih nabavki i drugih oblasti koje su u vezi sa ostvarivanjem funkcije službe,
- učestvuje u pripremi i praćenju realizacije plana javnih nabavki i drugih programskih i planskih akata iz djelokruga službe,
- priprema dokumentaciju, sprovodi postupak javnih nabavki u skladu sa zakonom i podzakonskim aktima,
- objavljuje akte na portalu javnih nabavki u skladu sa zakonom,
- prati realizaciju ugovora o javnim nabavkama,
- priprema izvještaj o realizaciji plana javnih nabavki,
- arhivira dokumentaciju službe,



- obavlja i druge poslove iz djelokruga ove službe po nalogima Uprave Fakulteta.

**Mjesto obavljanja rada:**

Univerzitet u Sarajevu - Pravni fakultet, Obala Kulina bana 7, 71000 Sarajevo

**Iznos osnovne plaće:** 1.680,00 KM

**Radno vrijeme:** od 08:00 do 16:30 (puno radno vrijeme – 40 sati sedmično)

## **2. VIŠI REFERENT - RADNIK OBEZBJEĐENJA**

**Uslovi:**

Pored općih uslova propisanih Zakonom o radu („Službene novine FBiH“, broj: 26/16, 89/18, 44/22 i 39/24), kandidati trebaju ispunjavati i sljedeće posebne uslove:

- SSS/IV stepen stručne spreme, četvorogodišnja škola
- radno iskustvo u trajanju od 1 (jedne) godine na istim ili sličnim poslovima
- položen ispit za zaštitu fizičkih lica i imovine
- posjedovanje sertifikata o osposobljavanju radnika o osnovama zaštite na radu i zaštite od požara
- osnovno znanje engleskog ili drugog stranog jezika

**Opis poslova:**

- kontroliranje ulaza i izlaza iz zgrade Fakulteta,
- vođenje brige o sigurnosti ljudi, imovine i objekata Fakulteta,
- javljanje na telefonske pozive centrale Fakulteta i preusmjerenje istih ka nadležnim službama,
- preuzimanje i čuvanje ključeva prostorija Fakulteta,
- praćenje sigurnosnih i nadzornih kamera Fakulteta,
- pregled, po potrebi, osobnih stvari radi eliminiranja mogućnosti posjedovanja nedozvoljenih sredstava,
- održavanje reda i mira na Fakultetu,
- obavlja i druge poslove po nalogu Uprave fakulteta.

**Mjesto obavljanja rada:**

Univerzitet u Sarajevu-Pravni fakultet, Obala Kulina bana 7, 71000 Sarajevo

**Iznos osnovne plaće:** 1.320,00 KM

**Radno vrijeme:** Rad u smjenama (puno radno vrijeme - 40 sati sedmično)

## **POTREBNI DOKUMENTI (ORIGINAL ILI OVJERENE KOPIJE) ZA PRIJAVU NA JAVNI OGLAS:**

- vlastoručno potpisana prijava na javni oglas (za pozicije 1. i 2.)
- kratka biografija/CV (za pozicije 1. i 2.)
- uvjerenje o državljanstvu - ne starije od 6 mjeseci (za pozicije 1. i 2.)
- izvod iz matične knjige rođenih (za pozicije 1. i 2.)



- diploma o završenom obrazovanju (za pozicije 1. i 2.)
- dokaz o radnom iskustvu na istim ili sličnim poslovima za traženu radnu poziciju - potvrda poslodavca sa obaveznom naznakom radnog mjesta (uz opis poslova) te perioda trajanja radnog odnosa radnika (za pozicije 1. i 2.)
- dokaz o znanju engleskog ili nekog drugog stranog jezika (za pozicije 1. i 2.)
- dokaz o poznavanju rada na računaru (za poziciju broj 1.)
- uvjerenje o osposobljavanju radnika o osnovama zaštite od požara - PPZ certifikat izdat kod ovlaštene kompanije za edukaciju iz oblasti zaštite na radu i zaštite od požara (za poziciju broj 2.)
- certifikat o položenom ispitu za zaštitu fizičkih lica i imovine (za poziciju broj 2.)

### **NAPOMENE:**

#### Probni rad

- Za navedene pozicije je obavezan probni rad u trajanju od 6 (slovima: šest) mjeseci.

#### Provjera znanja

- **Sa kandidatima koji budu ispunjavali opće i posebne uslove, obaviti će se pismeni i usmeni ispit;**
- **Kandidati mogu kod poslodavca preuzeti pitanja za pismeni ispit, listu propisa i literature iz oblasti iz kojih će se polagati usmeni i pismeni ispit, a iste mogu pronaći i na web stranici poslodavca <https://www.pfsa.unsa.ba>**

#### Prednost u zapošljavanju po posebnim propisima

Prioritet u zapošljavanju imaju osobe obuhvaćene članom 23. Zakona o dopunskim pravima boraca/branitelja Bosne i Hercegovine ("Sl. novine Kantona Sarajevo", br. 31/22 i 8/24). Kao dokaz da su obuhvaćeni ovim zakonom, kandidati, uz prijavu na Javni oglas prilažu i odgovarajuće dokumente (potvrde, uvjerenja i sl.), a odabir ovih kandidata vršit će se u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo, općinama u Kantonu Sarajevo („Službene novine Kantona Sarajevo“ broj: 37/20, 27/21) te Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo, općinama u Kantonu Sarajevo („Službene novine Kantona Sarajevo“ broj: 38/20, 28/21).

Kandidat ostvaruje pravo na prioritet u zapošljavanju ukoliko ispunjava jedan od sljedećih uslova: da se nalazi na evidenciji nezaposlenih osoba JU Službe za zapošljavanje KS ili da je zaposlen sa nižom stručnom spremom od one koju posjeduje, ili da je zaposlen po osnovu ugovora o radu na određeno vrijeme. Pored ispunjavanja jednog od navedenih uslova, kandidati moraju imati prebivalište/boravište u Kantonu Sarajevo.

Kako bi dokazali naprijed navedeno, kandidati trebaju dostaviti:

- Dokaz da se nalaze na evidenciji nezaposlenih osoba JU Službe za zapošljavanje KS (Uvjerenje sa biroa ne starije od datuma objave oglasa) ili dokaz da su zaposleni sa nižom stručnom spremom od one koju posjeduju (Potvrda poslodavca sa obaveznom



naznakom stručne spreme s kojom je radnik zasnovao radni odnos kod poslodavca (ne stariji od datuma objavljivanja javnog oglasa) ili dokaz da su zaposleni na određeno vrijeme (Potvrda/Uvjerenje poslodavca da je radni odnos zasnovan na određeno vrijeme ne starija od datuma objavljivanja javnog oglasa).

- Prijavu prebivališta/boravišta (CIPS prijava) u KS ne stariju od 3 (tri) mjeseca od dana izdavanja od nadležnog organa.
- Dokumentaciju kojom se dokazuje status korisnika prava.

\*Popis dokumentacije kojom se dokazuje status korisnika po predmetnoj Uredbi:

| Redni broj: | Pripadnost branilačkoj kategoriji                                                                                  | Naziv dokaza-dokumenta                                                                                                                                                                                                                                                                 | Organ koji ga izdaje                                                                                                            |
|-------------|--------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------|
| 1.          | Član porodice šehida/poginulog, umrlog i nestalog branioca                                                         | -Uvjerenje o statusu djeteta šehida-poginulog, umrlog i nestalog branioca<br>-Rješenje o priznatom pravu na porodičnu invalidninu za suprugu šehida- poginulog, umrlog i nestalog branioca i<br>-Uvjerenje o učešću u Oružanim snagama za šehida-poginulog, umrlog i nestalog branioca | Općinska služba za boračko-invalidsku zaštitu<br>Grupa za pitanja evidencija iz oblasti vojne obaveze prema mjestu prebivališta |
| 2.          | Ratni vojni invalid                                                                                                | Rješenje o priznatom svojstvu ratnog vojnog invalida                                                                                                                                                                                                                                   | Općinska služba za boračko-invalidsku zaštitu                                                                                   |
| 3.          | Dobitnik ratnog priznanja i odlikovanja                                                                            | Rješenje o priznatom pravu na mjesečno novčano primanje dobitniku priznanja                                                                                                                                                                                                            | Općinska služba za boračko-invalidsku zaštitu                                                                                   |
| 4.          | Demobilizirani branioci                                                                                            | Uvjerenje o učešću u Oružanim snagama                                                                                                                                                                                                                                                  | Grupa za pitanja evidencija iz oblasti vojne obaveze prema mjestu prebivališta                                                  |
| 5.          | Dijete:<br>a) ratnog vojnog invalida<br>b) dobitnika ratnog priznanja i odlikovanja<br>c) demobiliziranog branioca | Uvjerenje o statusu djeteta ratnog vojnog invalida<br>Rješenje o priznatom pravu na:<br>a) invalidninu                                                                                                                                                                                 | a) i b) Općinska služba za boračko-invalidsku zaštitu<br>c) Grupa za pitanja evidencija iz oblasti vojne obaveze                |



|    |                                |                                                                                                   |                                                 |
|----|--------------------------------|---------------------------------------------------------------------------------------------------|-------------------------------------------------|
|    |                                | b) mjesečni novčani dodatak<br>c) uvjerenje o učešću u Oružanim snagama                           | prema mjestu prebivališta                       |
| 6. | Supruge ratnih vojnih invalida | Uvjerenje o statusu supruge ratnog vojnog invalida – Rješenje o priznatom svojstvu na invalidninu | Općinska služba za boračko - invalidsku zaštitu |

### Način i rok predaje prijave:

Vlastoručno potpisane prijave sa potrebnom dokumentacijom (ime i prezime, broj telefona, e-mail adresa, tačna adresa stanovanja) se dostavljaju u zatvorenoj koverti sa naznakom „**NE OTVARAJ - PRIJAVA NA JAVNI OGLAS – NAZIV RADNOG MJESTA NA KOJE SE PRIJAVLJUJETE**“, lično ili preporučenom poštom na adresu sjedišta poslodavca:

**UNIVERZITET U SARAJEVU  
PRAVNI FAKULTET  
Obala Kulina bana 7  
71000 Sarajevo**

Javni oglas ostaje otvoren **10 (deset) dana** od dana objave obavijesti u dnevnim novinama, te na internet stranicama: Pravnog fakulteta Univerziteta u Sarajevu (<https://www.pfsa.unsa.ba>), Univerziteta u Sarajevu (<https://www.unsa.ba/>) i Službe za zapošljavanje Kantona Sarajevo (<https://szks.ba/posao/>).

O rezultatima javnog oglasa svi prijavljeni kandidati bit će obaviješteni u pismenoj formi.

Nepotpune, neblagovremene i neuredne prijave (kopije tražene dokumentacije koje nisu ovjerene) neće se uzeti u razmatranje.

Kandidati koji budu izabrani, dužni su dostaviti:

- Uvjerenje o zdravstvenoj sposobnosti za obavljanje poslova propisanih za radno mjesto za koje su konkurisali.

Kontakt za dodatna obavještenja u vezi javnog oglasa

033/206-360.